

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

মঙ্গলবার, ফেব্রুয়ারি ২৭, ২০২৪

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
চেয়ারম্যানের কার্যালয়
নিম্নতম মজুরী বোর্ড
বিজ্ঞপ্তি

তারিখ: ০১ ফাল্গুন, ১৪৩০ বঙ্গাব্দ/১৪ ফেব্রুয়ারি, ২০২৪ খ্রিস্টাব্দ

নং ৪০.০৪.০০০০.০০২.৩৬.০০৬.২৩.০৪—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “দর্জি কারখানা” শিল্প সেক্টরে নিযুক্ত সকল শ্রেণির শ্রমিক-কর্মচারীগণের জন্য নিম্নতম মজুরি হারের খসড়া সুপারিশ, ২০২৪ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে প্রকাশিত “দর্জি কারখানা” শিল্প সেক্টরে নিযুক্ত সকল শ্রেণির শ্রমিক-কর্মচারীগণের নিম্নতম মজুরি হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ৪০ সেগুনবাগিচা, শাহ পোরশিয়া (১৪তম তলা), সেগুনবাগিচা, ঢাকা-১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

লিয়াকত আলী মোল্লা
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

(১৮৭৩)

মূল্য : টাকা ৮.০০

“দর্জি কারখানা” শিল্প

খসড়া সুপারিশ-২০২৪

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয় কর্তৃক ২৪/০৯/২০২৩ তারিখের প্রজ্ঞাপন মূলে (নম্বর: ৪০.০০.০০০০.০১৬.৩২.০৬৬.১৭.১৭৭ তারিখ: ২৪/০৯/২০২৩ খ্রিস্টাব্দ) নিম্নতম মজুরী বোর্ডে “দর্জি কারখানা” শিল্প সেক্টরের প্রতিনিধিত্ব করার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়। অতঃপর শ্রম ও কর্মসংস্থান মন্ত্রণালয় এর স্মারক নম্বর: ৪০.০০.০০০০.০১৬.৩২.০৬৬.১৭.১৭০ তারিখ: ২৪/০৯/২০২৩ খ্রিস্টাব্দ মূলে আইন ও বিধি মোতাবেক “দর্জি কারখানা” শিল্প সেক্টরের নিযুক্ত শ্রমিক ও কর্মচারীগণের নিম্নতম মজুরি নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয়।

অতঃপর নিম্নতম মজুরী বোর্ড “দর্জি কারখানা” শিল্প সেক্টরে নিযুক্ত সকল শ্রেণির শ্রমিক ও কর্মচারীগণের জন্য নিম্নতম মজুরি হারের সুপারিশ প্রণয়নের উদ্দেশ্যে নিম্নতম মজুরী বোর্ডের একাধিক সভা অনুষ্ঠিত হয়। বোর্ডের সভায় সংশ্লিষ্ট শিল্পের মালিকগণের প্রতিনিধিত্বকারী সদস্য ও সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্যের দাখিলকৃত মজুরি প্রস্তাবসহ বাংলাদেশ শ্রম আইন, ২০০৬ এর ১৪১ ধারা মোতাবেক শ্রমিকদের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরণ, ঝুঁকি ও মান, ব্যবসায়িক সামর্থ, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করা হয়। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ধারা ১৩৯ মোতাবেক “দর্জি কারখানা” শিল্প সেক্টরে নিযুক্ত সকল শ্রেণির শ্রমিক ও কর্মচারীগণের জন্য নিম্নতম মজুরির হার নির্ধারণের বিষয়ে নিম্নতম মজুরি বোর্ড সর্বসম্মতিক্রমে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল:

- ১। এই সুপারিশে উল্লিখিত নিম্নতম মজুরি হার বাংলাদেশে অবস্থিত সকল এলাকার “দর্জি কারখানা” শিল্প সেক্টরের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোনো পদ সংশ্লিষ্ট শিল্পে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেক্টরের তফসিলে উল্লিখিত শ্রমিক বর্তমানে যে গ্রেডে কর্মরত আছেন সেই গ্রেডেই তাকে স্থলাভিষিক্ত করিয়া তাহার মজুরি নির্ধারণ করিয়া বর্তমান প্রাপ্ত মজুরির সহিত সুপারিশকৃত বর্ধিত মজুরি যোগ করিয়া তাহার মজুরি নির্ধারণ করিতে হইবে। কোনো শ্রমিককে নিম্ন গ্রেডে উন্নীত করা যাইবে না।
- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তফসিলে উল্লিখিত পদবিন্যাস অনুযায়ী শ্রমিককে যথাযথ পদে সন্নিবেশিত করিয়া মজুরি রেজিস্টারভুক্তকরত মজুরি স্লিপ প্রদান করিবেন।

- ৫। তফসিল “ক” ও “খ” এ উল্লিখিত মজুরি নিম্নতম মজুরি হিসাবে গণ্য হইবে এবং উক্ত নিম্নতম মজুরি অপেক্ষা কম মজুরি প্রদান করা যাইবে না, তবে উক্ত নিম্নতম মজুরি অপেক্ষা অধিকহারে মজুরি প্রদত্ত হইয়া থাকিলে তাহা হাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিক হারে মজুরি প্রদান করিতে পারিবেন।
- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরি প্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোনো শ্রমিকের ঠিকাদারের নিকট প্রাপ্য পাওনাদির ক্ষেত্রে কোনো সমস্যা সৃষ্টি হইলে তাহার দায়দায়িত্ব মালিকপক্ষের উপর বর্তাইবে। ঠিকাদার নিম্নতম মজুরী বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরি অপেক্ষা কোনোক্রমেই কম মজুরি প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরন ভিত্তিক (Piece rate) মজুরি প্রদান করিয়া থাকেন, তবে তফসিলে উল্লিখিত হারে ও উপরি-উক্ত শর্তাধীনে মজুরির হার এইরূপ হারে সংশোধন করিতে হইবে যাহাতে তাহারা বিভিন্ন শ্রেণিভুক্ত শ্রমিকের জন্য নির্ধারিত নিম্নতম মজুরি অপেক্ষা কম মজুরি প্রাপ্ত না হন।
- ১০। তফসিলে উল্লিখিত নিম্নতম মজুরি ও বিভিন্ন ভাতাদি ছাড়াও শ্রমিক কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর ধারা ২(১০), ধারা ১০৮ এবং ধারা ৩৩৬ এর বিধান মোতাবেক বলবৎ, অব্যাহত থাকিবে।
- ১১। এই সুপারিশে উল্লিখিত নিম্নতম মজুরি সমন্বয় করিয়া ০১(এক) বৎসর কর্মরত থাকার পর শ্রমিকগণের মূল মজুরির ৫% হারে বাৎসরিক ভিত্তিতে মজুরি বৃদ্ধি পাইবে। পরবর্তী বৎসরে ক্রমবর্ধমান হারে পুনরায় মূল মজুরির ৫% হারে বৃদ্ধি পাইবে।

ব্যাখ্যা: যদি একজন শ্রমিকের মূল মজুরি ৪৫০০/- (চার হাজার পাঁচশত) টাকা হয়; তবে এক বৎসর কর্মরত থাকার পর তাহার বাৎসরিক মজুরি বৃদ্ধি পাইয়া মূল মজুরি ৪৭২৫/- (চার হাজার সাতশত পঁচিশ) টাকা নির্ধারিত হইবে। পরবর্তী বৎসরে ক্রমবর্ধমান হারে পুনরায় ৫% হারে বৃদ্ধি পাইবে। অর্থাৎ মূল মজুরি ৪৭২৫/- (চার হাজার সাতশত পঁচিশ) টাকার ৫% বৃদ্ধি পাইয়া ৪৯৬১.২৫/- (চার হাজার নয়শত একষট্টি টাকা পঁচিশ পয়সা) টাকা নির্ধারিত হইবে।

- ১২। উক্ত শিল্প সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।
- ১৩। এই সুপারিশের কোনো অংশ প্রচলিত বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সহিত সাংঘর্ষিক হইলে সেই অংশ বাতিল বলিয়া গণ্য হইবে।

লিয়াকত আলী মোল্লা

চেয়ারম্যান (সিনিয়র জেলা জজ)

নিম্নতম মজুরী বোর্ড, ঢাকা।

অধ্যাপক ড. মো: কামাল উদ্দীন
নিরপেক্ষ সদস্য

মকসুদ বেলাল সিদ্দিকী
মালিকগণের প্রতিনিধিত্বকারী সদস্য

সুলতান আহম্মদ
শ্রমিকগণের প্রতিনিধিত্বকারী সদস্য

মোজাফফার মোল্লা
সংশ্লিষ্ট শিল্পের মালিকগণের প্রতিনিধিত্বকারী সদস্য

রনজিত কুমার ঘোষ
সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্য

তফসিল “ক”

শ্রমিকগণের জন্য মাসিক মজুরি হার

শ্রমিক শ্রেণি বিভাগ (গ্রেড) ও পদবিন্যাস	এলাকা	মাসিক মূল মজুরি (টাকা)	বাড়ী ভাড়া ভাতা (বিভাগীয় শহরে মূল মজুরির ৪০% এবং জেলা ও উপজেলা শহরে মূল মজুরির ৩৫%) (টাকা)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
গ্রেড-১ : (উচ্চতর দক্ষ):	বিভাগীয় শহর	১৩৮০০/-	৫৫২০/-	৭৫০/-	৪৫০/-	২০৫২০/-
১। কাটার মাস্টার (জেন্টস)	জেলা ও উপজেলা শহর	১৩৮০০/-	৪৮৩০/-	৭৫০/-	৪৫০/-	১৯৮৩০/-
২। কাটার মাস্টার (লেডিস)						
গ্রেড-২ : (উচ্চতর দক্ষ):	বিভাগীয় শহর	১২৯০০/-	৫১৬০/-	৭৫০/-	৪৫০/-	১৯২৬০/-
১। হিসাব রক্ষক	জেলা ও উপজেলা শহর	১২৯০০/-	৪৫১৫/-	৭৫০/-	৪৫০/-	১৮৬১৫/-
২। সেলসম্যান/ ডেলিভারিম্যান						
৩। স্টোরম্যান						
৪। পুরুষদের কোট, প্যান্ট, সেরওয়ানী, সাফারী, ডাক্তারী এপ্রোন বা অনুরূপ সেলাই কারিগর						
৫। মহিলাদের বোরকা, এপ্রোন, কোট, প্যান্ট, ম্যাক্সি, মিডি বা অনুরূপ সেলাই কারিগর						
গ্রেড-৩ : (দক্ষ):	বিভাগীয় শহর	১২৩০০/-	৪৯২০/-	৭৫০/-	৪৫০/-	১৮৪২০/-
১। পুরুষদের শার্ট, পাঞ্জাবী, পায়জামা, স্কুল ড্রেস বা অনুরূপ সেলাই কারিগর	জেলা ও উপজেলা শহর	১২৩০০/-	৪৩০৫/-	৭৫০/-	৪৫০/-	১৭৮০৫/-
২। মহিলাদের ব্লাউজ, ফ্রক, কামিজ, সেলোয়ার, থ্রি পিস বা অনুরূপ সেলাই কারিগর						
৩। রেডিমেট পোশাক (পুরুষ/মহিলা/শিশুদের জন্য) মেকার।						

শ্রমিক শ্রেণি বিভাগ (গ্রেড) ও পদবিন্যাস	এলাকা	মাসিক মূল মজুরি (টাকা)	বাড়ী ভাড়া ভাতা (বিভাগীয় শহরে মূল মজুরির ৪০% এবং জেলা ও উপজেলা শহরে মূল মজুরির ৩৫%) (টাকা)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরি (টাকা)
গ্রেড-৪ : (আধা-দক্ষ):						
১। ফিউজিং অপারেটর	বিভাগীয় শহর	৫৪০০/-	২১৬০/-	৭৫০/-	৪৫০/-	৮৭৬০/-
২। আইলেট অপারেটর	জেলা ও উপজেলা শহর	৫৪০০/-	১৮৯০/-	৭৫০/-	৪৫০/-	৮৪৯০/-
৩। ওভারলক অপারেটর						
৪। সাধারণ সেলাই কারিগর						
৫। সিকিউরিটি গার্ড						
গ্রেড-৫ : (অদক্ষ):						
১। জেন্টস কাজের হেলপার	বিভাগীয় শহর	৪৫০০/-	১৮০০/-	৭৫০/-	৪৫০/-	৭৫০০/-
২। লেডিস কাজের হেলপার	জেলা ও উপজেলা শহর	৪৫০০/-	১৫৭৫/-	৭৫০/-	৪৫০/-	৭২২৫/-
৩। রেডিমেট পোশাকের হেলপার						
৪। অন্যান্য কাজের হেলপার						
৫। টি বয়।						
শিক্ষানবিস শ্রমিক:	<p>(ক) শিক্ষানবিসীকাল ৩ (তিন) মাস। তবে শর্ত থাকে যে একজন শ্রমিকের ক্ষেত্রে শিক্ষানবিসীকাল আরও ৩ (তিন) মাস বৃদ্ধি করা যাইবে যদি কোনো কারণে প্রথম ৩ (তিন) মাস শিক্ষানবিসীকালে তাহার কাজের মান নির্ণয় করা সম্ভব না হয়।</p> <p>(খ) শিক্ষানবিসীকালে শিক্ষানবিস শ্রমিক মাসিক সর্বসাকুল্যে ৬০০০/- (ছয় হাজার) টাকা প্রাপ্ত হইবেন।</p> <p>(গ) শিক্ষানবিসীকাল সমাপ্ত হইবার পর শিক্ষানবিস শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।</p>					

তফসিল “খ”

শ্রমিগণের জন্য ফুরণ ভিত্তিক (Piece rate) মজুরি হার

ক্রমিক নম্বর	কাজের আইটেম, প্রকৃতি বা ধরণ	নিম্নতম মজুরি (প্রতিটি/প্রতি সেট) (টাকা)
১.	কোট সেলাই	৯০০/-
২.	প্যান্ট সেলাই	২৪৮/-
৩.	সেরওয়ানি সেলাই	১০৫০/-
৪.	সাফারী সেলাই	৪৫০/-
৫.	ডাক্তারী এপ্রোন সেলাই	৩০০/-
৬.	বোরকা সেলাই	৩০০/-
৭.	ম্যাক্সি সেলাই	১৫০/-
৮.	শার্ট সেলাই	১৭৩/-
৯.	পাঞ্জাবী/কাবলি সেলাই	১৮০/-
১০.	পায়জামা সেলাই	১২০/-
১১.	ব্লাউজ সেলাই	৭৫/-
১২.	সেলোয়ার সেলাই	১০৫/-
১৩.	স্কুল ড্রেস সেলাই	৩০০/-
১৪.	থ্রি পিস সেলাই	২৪০/-
১৫.	মুজিব কোট	৬৬০/-
১৬.	ওয়াচ কোট	২৬৪/-

মোঃ তাজিম-উর-রহমান, উপপরিচালক (উপসচিব), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।
 মোঃ নজরুল ইসলাম, উপপরিচালক (উপসচিব), বাংলাদেশ ফরম ও প্রকাশনা অফিস,
 তেজগাঁও, ঢাকা কর্তৃক প্রকাশিত। website: www.bgpress.gov.bd